

# Plättlirutscher

Ausschnitte aus dem Programm 2012

supertalent das isch dr hit  
do macht doch jeda tubel mit  
är hät au gmeint är segi top  
z einziga was er kann isch, autostop

öppis guats zum ässa das wär kai saich  
am liabschta hämer doch alli fleisch  
wenn denn ghörsch öppert segi tod  
hät de sicher a päckli verwütscht, vu üsem coop

dr silvio händs zum rücktritt zwunga  
jetzt ghört ma nüma bunga bunga  
er macht jetzt was er will de huara bock  
ohni das z ganza land kriagt, a riisa schock

im fernseh a lässiga bündner spot  
das finden alli unterländer top  
dr gian und dr giachen dia zwei böck  
am meischta freud händ, zürchernöck

rutschig pflutschig iisig und nass  
das macht uf dr stross a riisa spass  
d stadtverwaltig sait ma muass jetzt spara  
drum lömer dr pfluag, au nüma fahra

d amis in dr wüaschti lang ischs ganga  
sit x johr händs wella dr gaddafi fanga  
si verwütschena jetzt sind wieder alli fan  
dr obbama lacht und denkt, yes we can

d strossa vu chur sind wieder voll  
das isch doch aifach super toll  
quer dur stadt fahra isch a riisa fescht  
und das alles weg dem, city west

voll mit alk und zuapumpt mit droga  
d schwizerkonzert absait de huara koga  
ds geld für ticket chaschdr an d hosa schmiara  
frau winehouse chan sich so, a rüschli finanziara

in üsera badi ober au  
stohsch vor gschlossna türa zmitzt im bau  
wetsch im summer go bada das glaubt kai schwii  
muasch wia frühner wieder, in da rhii

gohsch in feria mima grossa schiff  
am ufer ghörsch a luta pfiff  
döt winkt eini mit rota lippa  
dr schettino parkiart z schiff grad, uf dr sita